

صاحبی ، مدیری ، محرری :



آبونه بدلی :

سنه لکی ۱۰۰ غروش
آلتی آسانی ۵۰ »
اوج آسانی ۲۵ »

مخبر

۱۳۳۸

اداریو خانه سی :
شهرزاده باشنده (تعالی اسلام)
جمعیتی مرکز عمومی

مرکز توبی :
باب عالی جاده سنده اتحاد
تجارت کتبخانه سی

اسلامک نفعنه خادم مقالات
مع الشکر قبول و درج اولونور

یادانق شخصیتی دکل ، یازینک اهریق
نظر دفته آلتیدر

دینی ، علمی ، ادبی ، اجتماعی رشیدلک شهرری
مجموعه اسلامیه در

کلن یازیلردن شایان قبول کورولنلر تاریخ
صیراسیله درج اولونور .

عدد : ۶

۱۳۳۹ ربیع الاخرینه مخصوص نسخه

فی ۷ بوجوق غروش

منبرجات :

محفل دینی و علمی : تعلیم و تعلم حقنده بر حدیث شریف طاهر المولوی . امت اسلامیة نك قرین اسلامی واجکام شرعیة بی کیفیت تلقیسی اسکلبی محمد عاطف . غزالینک روح حقنده کی تلقیاتی - آفسکیلی احمد حمدی . غلبه اخلاقیه حسین شعی . خریستان علماسنک قرآن کریم حقنده حسن شهادتی - علی رضا . محفل تاریخی : مشرکین عربک مشهور یونلری - طاهر المولوی . تیکوشلی مرحوم - خواجه زاده سعید . ناصیل آغلامام - طیب حلمی . حسین هانم بک مرحوم - مستجابی زاده غصمت بک - سهو المولوی . محفل فنی : علم هیئتک مبدای - سعدی .

محفل ادبی : جاهلیه آثارندن برقاج نمونه - فرید . دهوه ایله یاوروسی ، مهاجرلر معاونت لازم طاهر المولوی

ایتام اسلامه معاونت

ملکتمزده اوتهدن بری یکانه برشفقت و معرفت اوی بولونان دارالشفقه ده کی ایتام اسلامک اعلاشه و تحصیلترینه مدار اولوق اوزره مکتوبلق کاغد و ظرف طبع ایتدیریلشدور . نورعثمانیه جامع شرعیته ختکار محفلینه کی (جمعیت تدریسیه اسلامیه) مرکزیه دارالشفقه ده یکر میشر یاره بدل ایله صاتیلمقده اولان یوکاغد و ظرفلرک اشترا واستعمالیه هم احتیاج مخبره بی تأمین ، همده بر امرخیره خدمت ایله مهلری قارئلریمزدن فی ایده وز .

ربیع دائرونک صورت استعمالی - احمد ضیا . دینی درسلر - مؤلفی آقسه کیلی احمد حمدی

اسلام یولی - « اسکلبیلی محمد عاطف . اسلام چیغیری - اسکلبیلی محمد عاطف

یونافع اثرلر ، میدان انتشاره قونولمش و عموم کتابچیلرده صاتیلمقده بولونمشدور . کرک ضیا بک افندینک ، کرک حمدی و عاطف افندیلرک قدرت فاضلانلری مجموعه ده کی یازیلریله مبرهن اولدیغدن اثرلری حقنده فضله سوزه لزوم کورمیورز . هر برینی مؤلفات جدیده مراقیلیرینه توصیه ایدرز .

آلتی آیلوق آبونه لریمزک مدتی بونسخه ایله ختام بولدی . تجدید ایتمک ایستینلرک و آدره سی ده کیشمش اولانلرک اداره مه معلومات و یرمه لری موجودر .

اعلان یاپدیرمق ایچین باب عالی جاده سنده کی (ترکیه اعلانات عمومیه شرکتی) نه مراجعت ایدیکز ،

حقیقه کی استفسار مائیکه وهله اولی ده حق ویره جکی کلیر .

بو بادره عظماده خلغمزک اوغرا دینی ضرر معنوی پک بیو کدر . هر طرفدن باطلاق و یروب طاشان لوئیات اجتماعی و امراض اخلاقیه، ساحه سرایتی توسیع ایلکده مستکره و الیم بر منظره اراشه ایتکده در . بو غشیان انکیز تفناتک منابی طیقانایه جق و بوغیائی جریانلره سد چکیلمیه جک اولورسه وخامت و فجاعت عاقبت درکاردر . هر طرفه و هر طبقه اجتماعی به سرایت ایدن و موجودیت باقیه مزی کیم مکده اولان ایچی و فحش کی، قمار و اسراف کی اجتماعی و اقتصادی بیلردن ملتزمی حفظ و صیانت ایتنهک چاره لری عجا یوقیدر ؟

تهلکه و مخاطره نك عظمتی تقدیر ایدن ، ناموس و اخلاق قدر و قیمتی بیلن ارباب دیانت و حیت برلشوب امراض اخلاقیه ایله مجادله هیئتلی تشکیل ایده مزلمی ؟ اگر بو ظلمات اخلاقیه ایچنده هر بری بر نور هدایت کی لمعان ایدن پاك شخصیتلر ، تمیز ناصیه لر ؛ هر طرفی و هر محیطی استیلا ایتکده اولان سیئات اخلاقیه سیلنه سد چکمز لر ایسه بو آفتک یاقین و قتده کنیدیلرینک دخی حریم اجتماعیلرینی تلویث ایده جکی محققدر .

بناء علیه نسل مستقبلی قور تارمق لازمه بوتون ارباب ایمان و ادعانه بو کونکی اخلاق مسئله سی بر مسئله حیاتیه در .

فاتح درسعاملرندن

حسین شمی

خبریتانه علمائیک قرآن کریم مقننه حسن شهادتی بوکون دنیانک شرقتده ، غربنده ادیانک تدقیقه توغل ایدن عقلای ملل نظرنده کونش کی میدانه چیقمشدرکه دین مبین محمدی کافه ادیانک اکمل و اتمی ، حضرت محمد علیه السلام ده انبیانک خاتمیدر .

و اخلاق اسلامه ضعف و خلل عارض اولدقجه دیار اقطاع اسلامک تارمار و دوچار پریشانی و خرابی اولمقده بولندیغی وقوعات تاریخیه بزه کوسترمکه صدق اخبار قرآنی بی اثبات ایدیور .

هزیمت عسکریه و سیاسیه به کرفتار اولان ملتلرک احیای موجودیت ایتدکری کورلمشدر . لکن هزیمت اخلاقیه به دوچار اولان هیأت اجتماعیه نك ادامه وجود ایده بیلدکری تاریخ بشریت قید ایتمه مشدر . اخلاقسز و سفسیه ملتلره بر یوزنده حیات و موجودیت یوقدر . عادت آلهیه بو منوال اوزره جاریدر ، بو حکم ازلی بی کیم ده کیشدیره بیلیر ؟

دیمک که هر ملتک مدار شوکت و اساس مدنیته اخلاق حسنه و سجاای عالیه قوتیله قائمدر . دیانتده ، سیاستده عدالتده ، حکومتده ، صنایعده ، زراعتده ، اقتصادده ، تجارتده ، الحاصل مدینتک هر شعبه سنده موقیتک باشلیجه عامل وعاتی حسن اخلاق کمال و متانتیدر .

ضابطه اخلاقیه نك تأیید و تحکیمندن محروم اولان هر وجدان محکوم خسرا ندر . تاریخ بشریتده مهم انقلابلر وجوده کتیرن شخصیتلر ، متین و رصین اخلاق و سنجیه سایه سنده موفق و مظفر اولمشادر .

حرب عمومینک تخریب عمومی قارشیسنده انسانک لرزان اولماسی قابل دکلدر . بو حرب ، تخریب بلاد و افنای عباد ایتمهکله قالمیه رق سقوط اخلاقی دخی ایلاد ایلشدر . حربک نفوس و ثروت اعتباریه ایقاع ایتدیکی خسارات و ضایعاتک تلافیسی مشکلدر . لکن اخلاق و معنویاتجه وقوع بولان تخریباتی ده مخوف و مدهشدر . بشرک کسب معلومات و تهذیب اخلاق صورتیله راه هدایتیه سوق ایدیله ییله جکی و بو اعتبار ایله مخلوقات سائریه تفوق و رجحانی اولدینی تنبیها و تبدیلات آلهیه ایله معلوم اولسه حقیقه طینت بشرده کی بو آلودگی شر و فسادیه مشاهده ایدن کیمسه نك خلقت ابوالبشرک حکمتی

کلان مراتبه اصعاد ایدن الله ذوالجلالک برچوق تحمید و تمجیدی مندمحدر .

قرآن جلیل الشان ، علما ایچون برانجمن دانش ،
اهل لغت ایچون مهم بر قاموس ، لسانی اصلاح ایتمک
ایستینلر ایچون بر نحو مجموعه می ، شعر مر اقلیلری ایچون
بر دیوان بدایع ، انسانلرک سحیه وسلو کنی تهذیب ایچون
کزیده بر کتاب ، وبالجمله امتلرک شرایع و اطوارینی ارا نه
ایچون ده عمومی بر محیط معارف مثابه سنده در . الح

مشهور آفاق اولان صیت عرفانی حقنده سوز سوله مک
عبث عد ایتدیکم انکلیر پروفیسور وفیلسوف شهیری (قار لایل
طوماس) ده پیغمبر اسلام علیه الصلاة والسلام اقد من حقنده
شویله شهادتده بولنیور : شو عصرک آدم لرندن اولوب
مدنیت دعواسنده بولنان برکیمسه ایچون (دین اسلام
بی اصل و اساس و محمد علیه السلام - حاشا - حیل یولنه صامش
مغفل ناسدر) یوللو بر طنه ذاهب اولمق اک بیوک بی حیال قدر .
بویله موجب خجالت اوله جق صورتده اشاعه ایدیلان
بی ادبانه هذیانلره قارشی اعلان حرب ایتمک ده بزم ایچون
وظیفه اولش برحق آشنال قدر . او پیغمبر صاحب کتابک
تبلیغ و ایفا بویوردینی رسالت اون اوج عصر دنبری بر شمع
عالم ارا کی میلیونلرجه خلقه طریق هدایتی ارا نه ایله مکرده .
او خلق که هر وجهله بزه امثال و کیفیت تگونه بزه له
هم حالدر . چونکه اونلری خلق ایدن ده بزم خالقمر
اولان الله ذوالجلالدر . تعدادی دائرة امکاندن خارج
اولان شومیلیونلرجه خلقک اعتقاد ایتدک لری و او اعتقاد
اوزره ثابتقدم اوله رق دار آخر ته کیتدک لری نظر اعتباره
آلنجه او یله بر پیغمبرک رسالتنی کذب و خدعه یه حمل
ایده جک عقلی باشنده برکیمسه تصور اولنور می ؟ بکا
کنجه اصلا او یله بر رأی سخیفده بولنه مام !

اگر یالان دولان ، عباد الله عندنده بورواجی
بولور و بو مرتبه قرین قبول اولورسه او وقت بتون
عالم احق و ابدال ، حیات ایسه مجرد سغه و ضلال اولوب
قالیر . بویله حیاتک ده اولماسندن اولماسی اولادر .

مرتبه قصوای کماله واصل اولمش بر شیئک ذیل
اختتامی ختام المسک ایله مختوم اولمق مقتضای حکمت
اولدیندندرکه دینر خاتمه ادیان ، پیغمبریمزده نبی
آخر الزماندر . بوراده اصل یار و اغیاره حیرت و یرن
بر کیفیت کبری واردرکه اوده (الفضل ماشهدت به الاعداء)
مؤداسنجه اورویا اکابر علماسنک دین اسلام حقنده کی
شهادت لریدر . از جمله مستشرقین افرنجک کردنفر از سر
آمدانی و خصوصاً لسان عربک بیوک بر متخصص دقیقه دانی
اولان دو قنور (موریس) که اخیراً فرانسه حکومتی
طرفدن قرآن کریمک فرانسه جهیه نقل و ترجمه سی
کندینسه حواله اولونمشدر .

بالجمله آیات بینانی متواتر و حکم و تحدیدی قیامته قدر
مستمر اولان کتاب الله حقنده شو یولده شهادتده بولنیور
ودیور که :

غیر مسلم بر ذات ، قرآن کریمک صحت و انتظام عبارده سنده
و خارق العاده بر اوج ارفعده جلوه نما اولان فصاحت
و بلاغت باهره سنده اشتباهه دوشمک اصلاً جائز اوله ماز .
بونی تسلیم ایتین کیمسه خطا ایتش اولاجنی کی اونک
خلوص نیتنده ، حتی عقلمنده شبهه ایدلسه سزادر . قرآنک
شائبه نقایصدن منزله اک بیوک صفت مادحه سی فصاحت
و بلاغتدر . کذلک قرآن جلیل الشانک اساساً حائز اولدینی
بلاغت و مغناسنده کی علویت اعتباریله سائر کتب سماویه
اوزرینه فضل و رجحان کی بر مزیت عظما سی ده
واردرکه ایشته اونکله بو کون اوچیسوز میلیون خلق
مباهات ایتکده در . حتی عنایت ازلیه نک انسانلره اتحاف
ایتدیکی کتابلرک افضل و اتمی قرآن دردیکه حقمر واردر .
ایشته او قرآن مبین ، نبی بشرک سعادتنی تأمین یولنده
فلاسفه یونانیه نک و صایاسندن ده خیرلی برچوق و صایای
مؤثره یی محتویدر .

قرآنک صحائف جلیله سنده ، برلری ، کوک لری بر صنع
بدیع اوزره تکوین و ایجاد و کافه اشیا یی کما هو حقها
خلق و اتقان ایله حائز اولدینی استعداد نسبتنده لازم

ایواهلر اولسون ! بویله بر رسالت جلیله حقنده حاصل اولان شبه نه قدر کریه و بو شبهه دوشنلرک عقلی نه درجه ضعیفدر . حال بویله اولنجه علوم کونیهده ترقی ایتمک ایسته یئرلرک وجیهه دمتی حضرت محمد علیه السلامک رسالتده شبهه ایدن هرزه کولرک هدیالریخی هیچ بروجهله اصفا ایتمه مکدر .

زیرا اولنر کفر نسلینک وفجور عصرینک دوللریدر . ایشته بو حال اولنرک خبائت قلب و فساد وجدانلرینه بدنلری صاغ ایکن روحلرینک اولدیکنه دلالت ایدر . احتمالکه بوندن دهها کافرانه و لئیانه بر رأی کائنات بیله کورمه مشدر . الی آخره .

روسلرک الک بیوک فیلسوفی عد اولنان (تولستوی)ده شویله بر شهادتده بولنیور :

بی ذیشان حضرت محمدک هیئات اجتماعیه به پک پارلاق خدمتلرده بولنان اصلاحات پرور اعاضمدن اولدینی حقیقهٔ شبهه دن وارسته بر کیفیتدر . محمد علیه السلام قوجه بر امتک هیئت مجموعه سنی باشند باشه نور هدایتله بزمنش بر شهراه حقه هدایت ، کذلک صلاح و وقار و تمکین و اختیار کبی معالی به میل وانهمالک حسلرینی تلقیح ایله مظهر عنایت قیلمشدر . ایشته کندیسنه حصهٔ مفخرت اوله رق بوشان و شرف کافیدر . الی آخره .

تدقیقات علمیه انجمنلری اعضاسندن
علی رضا

محفل تاریخی :

مشرکین عربک مشهور پوتلری

مابعد :

ود : دومه الجندله منصوب اولوب قضااعیلرک معبودی ایدی .

« ابن الکلبی دیرکه : مالک بن حارثه به ویدی بکا ایچیه آکلات دیدم . شو صورتله تعریف ایتدی :

ود ؛ غایت جسم بر ارکک هیکل ایدی . ردا و ازار باغلانمش و بویننه قیلیچله یای آصیلمش اولدینی حلاله تصویر ایدیلشیدی . اوکنده اوجی بایراقلی بر حربه و ایچی اوق طولو بر تیرکش واردی عمرو بن لخی ؛ بونی جده ساحلنده [*] بولوب قضااعیلردن (عوف بن عذره) اسمنده برینه ویرمش ، اوده یوردی اولان دومه الجندله کوتوروب پرستشه باشلامش و طوغان اوغلانی ایلک دفعه اولوق اوزره (عبدود) تسمیه ایتمشدرکه بوندن صوکر ا عبدود اسمی بین العرب شیوع بولمشدر . عبدود ؛ اوغلی (عامر الاجدار) ی بو پوتک سادنی ، یعنی خادمی تعیین ایتدیکی جهتله سدانته وده ؛ عامر الاجدارک اولاد و احفادینه میراث قالمشدر . خالد بن الولید حضرتلری ؛ امریغمبری ایله و دك کسر و تخریبینه مأمور اولوب ایقای وظیفه ایده چکی صیراده (بنوعبدود) ایله (بنوعمر الاجدار) طرفندن ممانعته قالدیشیلمش ایسه ده (قطن بن شریح) ایله - دومه الجندل امیری ا کیدرک عمجه زاده سی - (حسان بن مصاد) ک قتلی اوزره رینه مدافعه دن واز کچیلمش ، و ده نینلن پوت ده ییقلوب پارچه پارچه ایدیلشدر . معجم البلدان - یاقوت حموی «

« سواع : غراب وزنده و سحاب وزنده لغتدر . نیتکه که امام خلیل (ولا تذرن ودا و لا سواعاً) آیت کریمه سننده فتحله قرائت ایله مشدر . و اول صنمک اسمیدرکه نوح علی نبینا و علیه السلام زماننده بتپرستلر ا کا پرستش ایدوب بعده طوفان سببیه تحت التراب مستور اولمشیدی . بعد زمان ابلیس علیه اللعنه خارجه اخراج وهذیل قبیله سنه تسوینل ایله هکله مجدد آ پرستش ایتدیرمشدر . بهر سنه موسم ترتیب ایدوب آنی حج و زیارت ایدرلردی . - قاموس ترجمه سی «

[*] و د ایله برابر سواع ، یفوث ، یعوق ، نسر نامنده کی پوتلرک نوح علیه السلامک قومی طرفندن پرستش ایدیان عین اصنام اولوب عمرو بن لخی طرفندن جده ساحلنده و قوملو آلتنده بولوندیغی حقنده کی روایت ؛ محتاج تأییددر .